

Waa maxay tijaabada isticmaalka qiica?

Tijaabada qiica waa mid lagu ogaado dilaaca, meelaha biyuhu ka soo galaan iyo halka ay biruhu isaga yimaadaan ee biyaha roobku kaga soo darsami karaan bulaacadda. Inta ay socoto tijaabada, shaqaaluhu waxa ay qiic ku sii deynayaan bulaacadda. Qiicu waxa uu ka soo baxayaa daboolka gododka wadooyinka, godadka biyuhu galaan ee wadada hareeraheeda ah iyo meelaha kale ee roobku ka soo geli karo bulaacadda.

Mala iga doonayaa in aan guriga joogo ama shaqaalaha magaaladu ma galayaan gurigeyga?

Maya labadaba. Shaqaalaha magaaladu waxa ay kor ka eegayaan dhismaha iyaga oo wadada taagan ama dariiqyada xaafadah dhex mara. Ma soo galayaan guriga in aad joogtana khasab ma aha.

Maxaa la iga doonayaa in aan diyaariyo?

Caag biyo ah ku shub dhulka hoose ee guriga ama suuliga, waji dhaqa ama qubeyska aan la isticmaalin muddo bil ah ama wax ka badan. Biyahaasi waxa ay buuxinayaan godadka iyaga oo yareynaya in qiico soo galo gurigaaga ama goobta ganacsiga. Waxaa laga yaabaa in qiicu weli ka soo galo guriga dabool jaban ama meel uu ka maqan yahay ama tubo haleysan oo u baahan dayactir.

Soo wac 612-673-3254 si gaar ah laguugu soo wargeliyo haddii uu gurigaaga joogo qof socodku ku adag yahay ama qaba xaalad neefsashada la xiriirta oo laga yaabo in qiica uu dhibaato ka soo gaaro.

Qaacu dhib ma leeyahay?

Qaaca lagu soo deynayo ma aha mid sun ah, laakiin waxaa laga yaabaa inuu dhibo dadka qaarkood iyo kuwa qaba xanuunada sambabada. Haddii ay suurogal tahay dadku waa in ay ka fogaadaan qaacaas.

Macluumaad dheeraad ah oo ku saabsan nooca kiimikada la isticmaalayo, soo booqo bogga shirkadda soo saartay ee [HURCO LiquiSmoke](#)

Ama SDS ee <https://www.usabluebook.com/images/pdf/28459S.pdf>

Waa maxay sababta tijaabadan loo sameeyo?

Magaaladu waxa ay ku dadaaleysaa in ay yareyso kharashka macaamiisha iyada oo degaanka la ilaalinayo. Marka biyaha roobku ku darsamaan bulaacadda, waxaa kordhaya qiimaha lagu nadiifinayo bulaacadaha. Sidoo kale, marka ay duufaantu dhaco, biyo fara badan ayaa roobku ku daraa bulaacadda taasoo culeys ku ah nidaamka bulaacadda, oo keeni karta fatahaad. Magaaladu waxa ay ku dadaashay in ay yareyso fursadaha ay fatahaad ku dhici karto, laakiin shaqo dheeraad ah ayaa loo baahan yahay.

Goorma ayaa tijaabada la sameynayaa?

Tijaabada waxa ay bilaabanaysaa bartamaha Agoosto ilaa deyrta. Deganayaasha iyo mulkiilayaasha waxaa boostada loogu soo diray [ogeysiis wargelin ah \(pdf\)](#) ka hor inta tijaabada aysan bilaaban. Ogeysiis labaad ayaa albaabka loogu dhajinayaa sadex maalmood ka hor inta aysan tijaabadu bilaaban. Tijaabo kasta waxa ay soconaysaa ilaa 30 daqiiqo.

Maxaan yeelayaa haddii aan arko qiic?

Wac 911 haddii aadan hubin in qiicu la xiriiro tijaabada ay Magaaladu sameyneyso. Haddii kale fur albaabada iyo daaqadaha si hawadu u soo gasho guriga oo la xiriir qofka madaxda u ah shaqaalaha magaalada ee ku qoran ogeysiiska guriga la suray ama soo wac 612-673-3254 si aad u gaarsiiso qiica. Madaxda shaqaalaha magaalada ayaa idinka caawinaya sidii aad hawada ugu furi laheydeen goobaha uu qiicu gaaro oo idinla soo socsiinayaa haddii ay jiraan dhibaato la xiriirta tubooyinka biyaha.

Lacag miyaa la iga doonayaa shaqadan?

Kharashka tijaabada waxaa bixinaya waaxda adeegga biyaha ee dhamaan guryaha la degan yahay iyo goobaha ganacsiga. Ma jirto lacag dheeraad ah oo lagaa qaadayo.